

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XVIII

urn:nbn:de:bsz:31-97032

& fronte oleo inunctis. Cum Alcyone amicitiam summam colit, ita ut si in eadem sint domo, & illa intereat, hic etiam inedia se interimat. Vulpium carnes coctas qui degustaverunt, per duos menses ab illorum cauti sunt insidiis. *Boerius*. Quantum ad Gallum Galinaceum *Gesnerus* ex manuscripto Germanico se decerpisse ait: Virum quendam nobilem in colicis affectibus, post multa remedia frustra tentata, epoto tandem pinguedinis capi in aqua absque sale decocti cyatho, sanitati restitutum esse. Oportet autem, inquit, pinguedinem juri innatantem bibere calidissimam.

C A P U T XVIII. D E G R U E & G A L B U L A.

Grues omnem terrarum peragrant orbem; in omni tamen sponte degere terra, vix crediderim, inquit *Aldrovandus* l. 20. Aspera ejus arteria utrinque inferitur in carnem, penitus ad os sternon. Vnde ex longinquo auditur. Migrant, sed haud observato tempore, quam autem celeriter exemplo Cyri patet, qui per intervalla locorum, tabellarios ira disposuisse legitur, ut fatigatis recentes, & nocturni diurnis succederent, quo volantes superarent grues. Inter volandum trianguli oxgonii constituunt formam, ut aërem adversum penetrarent facilius. Quæ agmen cogit cæteras, ut ait *Isidorus*, castigat, raucelcenti succedit alia. Vbi in terram descenderint cibi gratia, dux in altum caput erigit in custodiam omnium, cæteræ securè pascuntur. Antequam quiescant, ducem rursus constituunt, qui erecto collo provideat, tum cæteræ dormiunt, capite sub alam condito, alternis insistentes pedibus. Dux agmen circuit, & si quid accidat, exclamat. Ne somno opprimantur, unico insistent pede, altero sublimi lapillum continentes, ut si quando labore fatigatas somnus oppresserit, edito strepitu ex lapilli expergiscantur casu. Magnus illis erga pullos amor est, ut pro educandis decertent. Vidit Albertus gruem matrem de-

dejacere fœminam & occidere, rostro undecim infli-
ctis vulneribus, eo quod pullos, quo minus se feque-
rentur, abstraxisset. Hoc accidit Coloniae, ubi grues
mansuetæ generare solent. Quæ de illarum & Pyg-
mæorum concertatione dicuntur, anilia sunt. *Galbu-
la* suspendit suum nidum in ramis cyathi modo, ut
nulla quadrupes accedere possit. Figuram testiculorum
arietis nidus refert. *Albert. Magn.* Sunt qui dicunt fe-
ricum in eo repetiri, avem ab aqua non longe ædifica-
re, nidum ex musco, fanticulos vero quibus eum su-
spendit ex pilo equino esse. Discedit ex Italia Arctu-
ri syderis exortu. Dependens pedibus somnum capit,
quod se tutiorem speret. *Plin. l. 10. c. 33.* Cum ad
Germanos accidit, non amplius nascituras pruinas
certa spes est.

CAPUT XIX.
DE GRACULO.

Graculum præter segetes locustis vesci colligitur,
quia à Lemni Insulæ incolis, has aves coli solitas
tradunt, quoniam adverso volatu occurrerent locusta-
rum exitio. *Plin. 10. c. 29.* Mares malunt vitam pe-
dere, quam fœmellas deserere. Oculus tenti impe-
tere solent. Ratio redditur à *Nicolao Leonico*: Vel
quod clari perfulgentesque existunt oculi, & bene mo-
biles: hujusmodi autem aves res ad se trahere & alli-
cere natae sunt. Nam & commotum etiam circa ro-
strum digitum frequenter appetere & scalpere solent
volucres: Vel quia oculis absoluta adest speculorum
vis, adeo ut tam parva pupilla, totius ex adverso stan-
tis, reddat imaginem. Aliter igitur, quia effigiem in
his cernunt suam, velut ad cognita desideria tendere
cupientes, illos appetere, verisimile est.

CAPVT